

Uumasunik illersuineq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx xx xxx 2019-imeersoq (Naalakkersuisunut oqartussaasutut pisinnaatitaanermik nuussineq aamma uumasunik kinguaassiuutitigut atoqateqarnermut inerteqqussut)

pillugu

Aalisarnermut Piniarnermut Nunalerinermullu Ataatsimiititaliap

siunnersuutip aappassaaneernejarnissaanut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartut ilaasortaq Henrik Fleischer, Siumut, Siulittaasoq
Inatsisartut ilaasortaq Aqqaluaq B. Egede, Inuit Ataqatigiit, Siulittaasup tullia
Inatsisartut ilaasortaq Siverth Karl Heilmann, Atassut
Inatsisartut ilaasortaq Steen Lyngø, Demokraatit
Inatsisartut ilaasortaq Mala Høy Kuko, Siumut
Inatsisartut ilaasortaq Múte Bourup Egede, Inuit Ataqatigiit
Inatsisartut ilaasortaq Hans Enoksen, Partii Naleraq

Ulloq 23. marts 2019 siullermeerinninnerup kingorna ataatsimiititaliap siunnersuut misissorpaa.

Siunnersuutip imarisai siunertaalu

Siunnersuummi oqartussaasutut pisinnaatitaaneq politiiniit Naalakkersuisunut nuunniarneqarpoq. Tamatuma saniatigut siunnersuutigineqarpoq uumasunik kinguaassiuutitigut atoqateqartarneq inatsisunik unioqqutitsinngortinneqassasoq, akisussaassusermillu apeqqut annertusarneqassasoq, uumasunik piginnittoq kisimi isumassuisutut inissisimajunnaartillugu uumasullu timikkut, pissutsimikkut peqqissutsimikkullu pisariaqartitaannik qulakkeerinnittussaajunnaartillugu. Taamaalillutik kikkut tamarmik siunissami uumasunik isumannaatsumik naammaginartumillu illersorneqarsinnaasumik pissusilersorfiginninnissamik pisussaataaffectalissapput. Siunnersuummittaag ilaavoq sakkortunerusumik pineqaatissiisoqartalernissaanik periarfissaq, soorluttaaq qitiusumik oqartussat inissiiinissamik imaluunniit uumasunik tunisinikkut allamut tunniussisinnaanermik aalajangiisinnaatitaallissapput.

Siunnersuutip tusarniaassutigineqarnera

”Inatsisitigit najoqqutassanik, Kunngip peqqussutaanik, nassuiaatinik il.il. Namminersorlutik Oqartussani avataanullu tusarniaanermut najoqqutassat” 8. august 2018-meersoq (Kalaallit Nunaanni Namminersorlutik Oqartussani tusarniaanermut najoqqutassat), avataaniit tusarniaanernut tulliuttut aalajangersagaapput:

”Tusarniaanermi piffissaliussaq Naalackersuisut aamma Kanukokap akornanni sapaatit akunneri tallimaasutut siusinnerusukkut isumaqatigiissutaanikoq siunnersuutini kommunit tusarniaaffigineqartussaattillugit nalinginnaasutut tusarniaanermi piffissaliussamik aalajangiinermi aallaaviusumik suli atuutissaaq. Siunnersuutit kommunit tusarniaaffigineqartussaattinnagit sapaatit akunneri sisamat aamma aallaaviusumik tusarniaanermi piffissaliunneqassaaq.

Tusarniaanermi piffissaliussaq pissuteqartivitsillugu saneqqunneqarsinnaavoq. (Naliliinerup taanna naapertuunnissaa kingunissaanillu oqimaaqatigiissillugit pisariaqarpoq). Oqaatigineqassaaq nammineq pisuussummik piffissaaleqilerneq piffissap tusarniaaffiusup siviussusaa aallaaviusumik allannortissinnaanngikkaa. Piffissap tusarniaaffiusup pilersaarusiorterani ullut feeriarfiit nalliuttullu isiginiarneqassanngillat.”

Siunnersuut piffissami ulloq 18. december 2017-imiit ulloq 10. januar 2018-mut tusarniaassutigineqarsimasoq siunnersuummut nassuiaatinit takuneqarsinnaavoq. Taamaalilluni piffissaq tusarniaanermut atorineqartoq malittarisassanut siuliani taaneqartunut naapertuutinningsutut nalilerneqarpoq.

Siunnersuutip ilusilersugaanera

Isumaliutissiisummi kalaallisuunngornera qallunaatuunngorneralu imminnut naapertuutinningsortaqarput.

Siunnersuutip § 1, nr. 4 (§ 3 a), kalaallisoortani oqaaseq ”uumasunut teknikkimik” allaqqavoq. Qallunaatoortani ”zootekniske” atorineqarpoq. Kalaallisuunngortinnerani ”uumassusilerinermi teknik”-i atorineqarpat eqqornerussaaq.

Siunnersuutip § 1, nr. 5 (§ 22, imm. 3), qallunaatoortani takuneqarsinnaavoq ”aflives straks”. Kalaallisoortani takuneqarsinnaavoq ”uumasoq toqutseqqullugu” atorineqarsimasoq. Taamaalilluni oqaaseq ”piaartumik” kalaallisoortani amigaataavoq.

Siunnersuutip § 1, nr. 6 (§ 23, imm. 6) qallunaatoortani takuneqarsinnaavoq ”efter stk. 1-5”. Innersuussut taanna kalaallisoortani amigaataavoq.

Siunnersuutip § 1, nr. 10 (§ 27, imm. 3) qallunaatoortaani takuneqarsinnaavoq ”Hvor loven eller forskrifter”. Oqaaseqatigiik taanna kalaallisoortaani naleqqussarneqassaaq.

Ataatsimiititaliap inassuteqaatai

Inatsisip kalaallisuunngortinnerani oqaasertaliussatigit amigaatit iluarsivigiumallugit Naalakkersuisut pingajussaaneerinninneq sioqqullugu allannguutissatut siunnersuummik saqqummiusseqqullugit ataatsimiititaliamit kaammattorneqarput.

Peqatigitillugu tusarniaasarnernut malittarisassanik malinnittaqqullugit Naalakkersuisut ataatsimiititaliamit sakkortuummik kaammattorneqarput.

Ataatsimiititaliap isumaqatigiittup taamatut oqaaseqaateqarluni siunnersuutip **akuersissutigineqarnissaa** inassutigaa.

Taama oqaaseqaateqarluni isumaliutissiissummilu allassimasut paasinnilluni ataatsimiititaliap siunnersuut aappasaaniigassanngortippaa.

Henrik Fleischer
Siulittaasoq

Aqqaluaq B. Egede
Siulittaasup tulliaq

Siverth Karl Heilmann

Steen Lyngø

Mala Høy Kuko

Múte Bourup Egede

Hans Enoksen